

# La'õ Hamutuk

Institutu Timor-Leste ba Monitor no Analiza Dezenvolvimentu

Rua D. Alberto Ricardo da Silva, Bebora, Dili

Tel: +670 332 1040 Mobile: +670 7723 4330

Email: laohamutuk@gmail.com Website: [www.laohamutuk.org](http://www.laohamutuk.org)



## Kestionáriu ba Partidu polítiku no Koligasaun sira iha Eleisaun Parlamentár Antesipada 2018

**Resposta husi Frenti Dezevolvimentu Demokrátiku (FDD) - Partido Unidade Dezevolvimentu Demokrátiku (PUDD), União Democrática Timorense (UDT), Frenti Mudança**

### Pergunta Jerál:

1. *Saida mak Partidu Polítiku ka Koligasaun ida ne'e nia vizaun estratéjiku ba dezenvolvimentu iha Timor-Leste iha tinan lima oin mai?*

FDD nia vizaun mak : Defende soberania i independensia nasional, Hametin Pás no Estabilidade hodi Haburas  
Dezevolvimentu, Demokrasia no Justisa Sosial

2. *Oinsá ka programa prioridade saida de'it mak Partidu Polítiku ka Koligasaun ida ne'e sei lori atu realiza vizaun estratéjiku ida ne'e?*

Vizaun Programatiku no Prioridade Politiku FDD nian mak "Hamutuk Ho Povu Desenvolve Husi Knua" signifika katak FDD nia Programa no Prioridade sei konsentra maka'as ba iha desenvolvimento hiraq ne'ebe hata'an direktamente ba demanda ka necessidade povu ki'ik sira iha baze.

Programa Prioridade FDD nian Mak setor Agrikultura, Edukasaun, kultura, saude, Ekonomia, Turizmu, komerciu, Industria, ambiente, infraestrutura basiku, Justisa, formasaun professional no tekniku vokasional ba juventude , arte no desportu, desenvolvimento lideransa Suco, boa governasaun/administrasaun territoriál no atendimento publiku, promosaun igualdade, defeza no seguransa, incersaun regional/global no koperasaun bilateral e multilateral.

Programa no prioridade FDD nian sira ne'e hotu sei bazeia ba plataforma politika 6K (6 Qualidades) ne'ebe refleta ho foka principal ba iha " KUALIDADE" : Qualidade Humanano Kultura, Kulidade Governasaun no Atendimento Publiku, Qualidade Ekonomia, Qualidade Nacionalismu, defeza, seguransa no Koperasaun Internacional, qualidade justica, no qualidade infraestrutura.

Bainhira FDD Ukun ka iha Asentu Parlamentar, 6K ne'e sei sai hanesan baze fundamental iha kualker proposta no desizaun politika FDD nia membro Parlamento ou Membro Governo sira.

Detallus Programa no Prioridade FDD nian bele hare'e iha anexo

3. *Oinsá Ita Boot nia Partidu ka Koligasaun nia estratéjia atu aseguira partisipasaun no representasaun fetu iha ita nia demokrasia.*

*FDD nian politika atu aseguira partisipasaun fetu mak hanesan:*

*1. sensibilisa lei kontra violensia domestica hodi eduka povu atu respeita no dignifika igualdade genero.*

*2. fomasau nmo apoio iha area lideransa, gestsun no negosiu ba grupu fetu sira, liu-liu feti faluk no kbiit laek sira.*

*3. desenvolve ekonomia kreativu no fasilita asesu kreditu ho funan ki`ik liu ba grupu fetu sira, liu-liu feti faluk no kbiit laek sira*

*4. promove kuota partisipasaun fetu iha area hotu-hotu (30 – 40%).*

### **Finansas Estadu:**

**1. Hahú hosi 2012 Timor-Leste nia reseita husi mina no gás tun maka'as no lalais, no iha tinan oin (2018) sei tun ba maizumenus tokon \$80, no para iha 2021.** Maske Timor-Leste nia posu mina Bayu Undan atu hotu no posu greater sunrise kontinua iha inserteza, setór produtívu sira hanesan agrikultura, fábrica no turizmu seidak iha kreximentu.

*Polítika saida mak Ita-Boot nia partidu ka koligasaun sei trasa atu hasa'e ekonomia Timór- Leste no sustenta finansas estadu bainhira mina-rai sei maran?*

FDD nia politika sei diversifika area potensial non petrolífero ne'ebe iha potencia ba hadia ekonomia no kontribui ba receitas non petrolífero (agricultura, turismo, comércio indústria, edukasaun e desenvolvimentu formasaun professional juventude).

**2. Besik kada tinan, Governu viola Fundu Petrolíferu (FP) nia matadalan Rendimentu Sustentável Estimadu (RSE), no iha tinan hirak oin mai 2018-2021 tuir planu Governu sei gasta besik dala haat (4) RSE ka 74% estadu nia despeza sei mai husi FP.** Polítika ida-ne'e sai hanesan ameasa boot ba estadu nia sustentabilidade, no FP bele mamuk iha tinan sanulu oin mai.

*Karik eleitu, oinsá mak Ita-Boot sira sei garante FP nia sustentabilidade iha futuru?*

Resposta:

1. Diversifika area potensial non petrolífero

2. Poupansa liu husi simplifika sistema administrasaun públika, haforsa jestaun inklui planeamentu baseia ba dados no mos fortaleza kontabilidade.

**3. Dezde tinan balu ona, Governu hahú implementa projetu indústria petróleu Tasi Mane iha Kosta Súl, no gasta ona besik tokon \$230.** Projetu ida-ne'e sei prezisa biliaun ba biliaun tan husi povu nia osan. Maibé, ajénsia internasionál, peritu independente sira, akadémiku no peskizadór sira husi nasaun laran la fiar katak projetu boot sira sei hetan retornu finansiál no sosiál boot liu ninia investimentu no impaktu.

*Ita-Boot nia partidu ka koligasaun hanoin projetu ida-ne'e bele fó benefísiu ba povu Timor-Leste nia futuru? Se lae, saida mak Ita-Boot sira sei halo atu kansela projetu ida ne'e, no oinsá ita bele uza rekursu ne'ebé hetan libertasaun bainhira Tasi Mane kansela ona?*

FDD hare katak projetu tasi mane bele kontinua faseadamanete nune, hodi bele fo nafatin mos prioridade ba desenvolvimentu necessidade basiku imediatu povu nian (Estrada rurais, be'e mos, eletrisidade, saúde, eskola, agrikultrua, turismo komunitariu, koperativa, nsst).

- 4. Timor-Leste asina ona kontratu empréstimu ho valór totál tokon \$400, no iha planu atu foti empréstimu liu biliaun \$1.2 entre 2018-2025.** Maioria osan deve ne'e sei selu ba projetu boot ho retornu ne'ebé la klaru hanesan Tasi Mane, aeroportu Dili, estrada no auto estrada no La'o Hamutuk haree katak deve sei sai problema boot ba Timor-Leste bainhira mina maran ona no Timor-Leste tenke selu ba ninia kreditór sira.

*Ita-Boot nia partidu ka koligasaun konkorda ho politika empréstimu ida-ne'e? Se lae, oinsá mak Ita-Boot sei evita Timor-Leste nia deve kontinua sa'e to'o nivel ne'ebé la sustentável?*

FDD konsistente ho politika poupanza no simplesidade atau labele sai devedor hodi fo tusan ba jersaun foun.

- 5. Dezde periodu hirak ona Governu sira sempre hatete katak sira-nia prioridade mak agrikultura, bee moos, edukasaun, no saúde.** Maibé asuntu sira ne'e simu de'it 20% hosi Orsamentu Estadu. Relatóriu Dezenvolvimentu Umanu 2018 nian rekomenda atu politika na'in sira hasa'e investimentu iha saúde no aloka 25% hosi Orsamentu Estadu ba edukasaun, hanesan prátika internasionál ne'ebé di'ak. Investimentu iha setór sira-ne'e sei bele asegura Timor-Leste hetan nia poténsia ba oin. Maibé atu aumenta persentajen Orsamentu ba edukasaun no saúde, presiza foti osan hosi setór seluk.

*Setór saida de'it mak sei sai prioridade ba Ita-Boot nia partidu ka koligasaun no Ita-Boot sira sei hasai osan hosi setór ida ne'ebé atu nune'e bele realoka ba asuntu prioridade sira?*

FDD nia politika sei reduz alokasaun orsamentu ba Item Bens e Servisus ne'ebe la importante (superplus) hanesan: fundu manei ho fundu adiantamentu turi regas, viagens lokais no estrangeiros ne'ebe la importante no halo kontrolu maka'as ba uzu patrimoni u estadu (limita utilizasaun kombustivel, telefone, rekarga nsst).

### **Ekonomia:**

- 1. Tinan-tinan, Timor-Leste importa ai-han husi rai-li'ur, no deficit komérsiu ba bens no servisu liu biliaun ida kada tinan.** Maski nune'e, Governu decide ona atu harii portu Tibar atu fasilita importasaun. Maibé, produktu baratu importa husi li'ur halo difisil liután ba agrikultór sira iha rai laran hodi kompete, no ida-ne'e hamenus ita-nia produsaun.

*Polítika saida mak Ita-Boot sira nia partidu sei halo atu hamenus importasaun no maximiza produsaun lokál ba konsumsaun lokál?*

FDD nia politika mak:

- a. Investe maka'as iha setor agricultura hodi hasa'e produsaun aihan liu husi sistema intensifikasaun, diversifikasaun no duplika produsaun aihan liliu hare husi dala ida ba dala rua iha tinan ho kapasidade produsaun 4 toneda /ha;
- b. Konstrui barrajen, no industria fini no adubu lokal ne'ebe ho qualidade diak;
- c. Hadia no halo expansaun ba sistema irigasaun, inkluir perfurasaun ba be'e subterranea sira; halo dam ( lagoa udan be'en).
- d. Hari Industria transformadora sira ho teknolojia ne'ebe simples no baratu hodi simu materia prima sira husi agricultura no transforma ba produktu industria hodi bele aressu ba mmerkadu rai laran no rai liur;
- e. Mobiliza grupo agrikultua (joven agrikultor, feto agrikultor kiitlaek, mane agrikultor kibitlaek), liu hosi estabese koperativa agrikola, fo kreditu laiha funan, fo apoiu tekniku iha implementasaun, hodi fasilita komersiu produktu agrikultor sira nian ho folin ne'ebe estabil.
- f. Rekruta juventude formadu iha area agrikultura , peskas, florestas ba sai fasilitador iha suku (kada suku nain 2-3 baseia ba potencia produsaun agrikula iha suku ida-idak.

#### **Peccuária:**

1. Hadia sistema hakiak animal hodi hasa'e produsaun produktu animal liu husi kria no fasilita grupo hakiak no habukur animal iha suco ida-idak hodi hasa'e produsaun no garante sustentabilidade fornecimentu na'an ba merkadu.
2. Kria parseria publiku pribadu hodi estabese industria produsaun na'an, susube'en manutolun nsst.
3. Estabese industria produsaun no preservasaun aihan animal nian hodi garante sustentabilidade fornecimentu hahan animal nian.
4. Halo vasinasaun rutina ho gratuita ba populasan sira nia animal hodi garante proteasaun ba saude animal sira.
5. Fasilita grupu hakiak no habukur animal hodi aressu ba kreditu hodi fasilita sira nia atividade.

#### **Pescas:**

1. Kria grupu peskador, fo kreditu ho funan la iha, fasilita ho apoiu tekniku iha implementasaun no iha komersialisazaun.
2. Konstrui merkadu produktu pesskas iha areas peskas produtivus kompletu ho habitasaun peskador sira nian no estabese industria ba produktu peskas.

#### **Floresta:**

1. Kria jestaun integradu ba bacias hidrograficas (mota ulun) no hala'o reflorestasaun tuir klasifikasaun tofografia rejiaun ida-idak nian
  2. Kria politika no enkuadramentu legal ho proteje floresta no kontra incendios/sunu rai.
  3. Introdus sistema agro floresta(SAF) Tuir klasifikasaun topografia area floresta hodi garante sustentabilidade produsaun, re- koperasaun area floresta no preservasaun ambiente.
2. **Timor-Leste nia populasan maioria ho idade nurak no foin-sa'e.** Foin-sa'e barak too oras ne'e laiha servisu no universidade sira kontinua prodús graduadu barak, maibe kampu de traballu limitadu liu atu simu sira.

*Oinsá partidu polítiku ka koligasaun nia programa atu kria kampu traballu ba foin-sa'e sira ne'ebé buka hela servisu no ba sira-ne'ebé gradua husi universidade tinan-tinan?*

FDD iha programa espesial ida atu lori fila junventude formadu sira ba suco nune bele reduz desemprego no bele sai fasilitator ba agrikultor sira iha base. Kontinua desenvolve mos koperasaun bilateral sira hodi bele haruka juventude sira ne'ebe iha espesialidade ba liur hodi okupa postu servisu sira ne'ebe nivel medio.

**3. Daudauk ne'e, Timor-Leste nia povu mane, feto no labarik sira seidauk hetan edukasaun no saúde ho kualidade**, maibé alokasaun iha orsamentu estadu kontinua menus duké aeroportu, portu, projetu Tasi Mane, ZEESM no estrada boot sira.

*Saida mak Ita-Boot nia partidu sei halo atu resolve problema ida-ne'e?*

FDD komprende no hatene katak investimentu iha mega projetu sira refere sai hanesan investimentu estatejiku ba longu prazu sei lori retornu ba nasaun. Maibe FDD nia estratejia politika katak mega-projetu sira ne'e bele desenvolve faseadamente nune labele prejudika fali desenvolvimentu sira seluk ne'ebe responde necessidade imediatu povu nian iha kurtu prazu hanesan: setor agricultura, edukasaun, saude, infraestrutura basika iha nivel aldeia, suco no posto administrativo.

**Edukasaun:**

**1. FDD iha politika lobuk ida ba setor edukasaun :**

- a. FDD sei fo prioridade ba edukasaun atu tau orsamentu 15-20% husi total OJE.
- b. Redefini kurikulumu ba nivel eskolaridade hotu- hotu (pre primaria to`o terciaria) nebe refleta demanda setor hotu- hotu iha kurtu prazu ho longu prazu sei sai foka prinsipal. Kurikulumu premimaria to`o ensinu sekundaria / tekniku vokasional sei foka liu ba siensia literasia no numerasia, kualidade kompetensia, no kualidade karakter humana. Ba nivel tersiário, kurikulumu sei foka liu ba aproximasaun peskisa, deseño, no kria prototipu.
- c. FDD hakarak halo infraestrutura edukasaun integradu, precisa rehabilita / halo foun infraestrutura eskola (eskola, salas de aulas ho kondisaun pedagogigu no didatika padronisadu, bibliotakas, mess professores, saneamentu, seguransa eskolar) ho deseño pakote integradu
- d. Kontinua profesionalisa professor sira ho formasaun kontinua iha area aprendizagem hotu-hotu ne'ebe kurikulumu preve, ho lian oficial Tetum no Português. Nune mos FDD sei resolve kestaun falta de professor, inklui kestaun professor kontratadu sira 4.800 nebe esiste.
- e. FDD iha nia politika atu hala'o desenvolvimentu integradu ba labarik tinan 0-5 ho konseito Desenvolvimentu Infantil Integradu ( DII ). Nebe komposta husi edukasaun, saúde, nutrisaun, desenvolvimentu fisiku, justisa infantil, no programa solidariedade sosial.

- f. FDD sei haforsa kontrolu ba eskola: haforsa inspetor eskolar no haforsa kontrolu edukasional.
- g. Hadia sistema merenda eskolar ho modalodade implementasaun ida ne'ebe inan aman maka responsabliza prepara hahan, governu maka providensia finansiamentu sura tuir alunu no kontrolu, eskola maka deside menu
- h. FDD sei revitalisa sistema eskola tekniku vokasional esistente ho facilidade no ekipamentu, qualidade professor, sistema estudu kolegiu, rekursu finanseiro adekuadu, no iniciativa parseria publiku privadu (PPP) hodi liga talentu no habilidade vokasional estudante sira nia ho demanda iha desenvolvimentu.

### **Setor Saúde**

- a. FDD fo prioridade importante ida ba setor saúde atu hadia atendimentu publiku setor ida nian. Tan ne FDD sei tau 10 - 15% husi total OGE ba setor Edukasaun.
- b. Atu hatan ba problema referensia moras barak ba estrangeiro, FDD sei hari hospital ho padraun internasional, kontrata mediku espesialista internasional hodi servisu hamutuk ho espesialista mediku timor oan sira atu fo atendimentu aimoruk iha hospital refere.
- c. FDD nia politika kona ba farmasia maka estabelese kontratu longo termu (long time agreement) ho kompañia farmasia internasional balun hodi providensia aimoruk . Nune kompanñia kontratadu sira maka responsablisa ba providensia aimoruk nebe timor leste precisa no timor leste la gasta osan ba aimoruk nebe la precisa.
- d. FDD sei tau esforsu makas atu hadia sistema atendimentu saúde iha hospital nasional, hospital referal sira, postu saúde no atendimentu saúde familiar no komunitaria liu husi visita saúde familiar.

#### **4. Iha Timor-Leste oras ne'e daudaun produtividade setór agrikultura ki'ik liu kompara ho nasaun viziñu sira tanba agrikultór sira nia produtividade no mós produtividade rai agrikultura nian ki'ik liu.**

Alende ne'e, rai produtivu barak mak oras-ne'e lakon ona tanba uza ba harii infrastrutura sira. Ida-ne'e halo agrikultór sira susar atu hadi'ak sira-nia kondisaun moris no mós halo ita kontinua depende maka'as ba importasaun produktu agrikultura husi rai-li'ur.

*Saida mak Ita-Boot sira hanoin kona-ba kondisaun ne'e? Oinsá mak partidu polítiku ka koligasaun nia estratéjia atu hadi'ak produtividade iha setór agrikultura nune'e bele hadi'a agrikultór sira nia moris no hamenus dependénsia ba importasaun agrikultura husi rai li'ur iha tinan lima oin mai?*

FDD nia Politika mak:

- FDD hatur nia programa prioridade dahuluk mak desenvolvimentu iha setor agrikultura sai hanesan setor ida ne'ebe primariu ba mudansa povu nia ekonomia. Nune bele hasa'e produsaun rai laran liu husi sistema: intensifikasaun, diversifikasaun no multiplikasaun produsaun agrikola husi dala ida ba dala rua kada tinan.

- Atu atinji politika refere mak presiza konstrui Barrajen hodi armazena no fornese be'e kontinua, estabele industria fini ne'ebe ho kualidade a'as, estabele industria adubu organiku besik kedas area sira ne'ebe potensial ba produsaun agrikola hodi fasilita agrikultor sira. Halo mos perfurasaun be'e subteranea iha area potensial sira ne'ebe presiza be'e maibe difisil atu estabelese sistema irigasaun.
- Fo ssubsidiu ba grupu agrikultor kuda hare sira ne'ebe iha natar ho luan liu hektare ida ba leten, insentiva produtor Kafé sira hodi rehabilita no kuda fila fali sira nia kafé durante periode determinadu (tinan 1 – 2)
- FDD komprometidu katak se karik FDD mak jere setor agrikultura iha tinan hat nia laran bele reduz importasaun foz no produtu animal to'o 75% husi total importasaun.
- FDD sei Insentiva setor pribadu no koperativa sira hodi bele desenvolve ekonomia to'o iha base.

**FDD nia estrategia atu hata'an ba preokupasaun hirak ne'e mak hanesan tuir mai ne'e:**

- a. Investe maka'as iha setor agricultura hodi hasa'e produsaun aihan liu husi sistema intensifikasaun, diversifikasaun no duplika produsaun aihan liliu hare husi dala ida ba dala rua iha tinan ho kapasidade produsaun 4 toneda /ha;
- b. Konstrui barrajen, industria fini, industria adubu organiku ne'ebe ho kualidade diak;
- c. Hadia no halo expansaun ba sistema irigasaun, inkluir perfurasaun ba be'e subterranea sira; halo cek/dam (lagoa udan be'en.
- d. Hari Industria transformadora sira ho teknolojia ne'ebe simples no baratu hodi simu materia prima sira husi agrikultura no transforma ba produtu industria hodi bele assessu ba merkadu rai laran no rai liur;
- e. Mobiliza grupu agrikultura (joven agrikultor, feto agrikultor kbitlaek, mane agrikultor kbitlaek), liu hosi estabelese koperativa agrikola, fo kreditu laiha funan, fo apoiu tekniku iha implementasaun, hodi fasilita komersiu produtu agrikultor sira nian ho folin ne'ebe stabil.
- f. Rekruta juventude formadu iha area agrikultura (agronomia , agropecuária, peskas, florestas, ambiente no socio-ekonomia) ba sai fasilitador iha suku (kada suku nain 3-4 baseia ba potencia produsaun agrikola iha suku ida-idak.

**5. Peskiza Demografiku no Saúde 2016 nian hatete katak número labarik ne'ebé sofre hosi todan-menus (wasting) aumenta hosi 19% iha 2010 ba 24% iha 2015.**

Labarik sira ne'ebé ho nutrisaun la di'ak hetan impaktu fiziku nomos psikolójiku no sira sei labele atinje sira nia poténsia tomak bainhira sira sai adultu no tama ba forsa laboral.

*Saida mak ita boot-nia partidu ka koligasaun sei halo atu responde ba problema ida ne'e no asegura katak labarik hotu-hotu iha Timor-Leste hetan nutrisaun ne'ebé adekuadu?*

FDD nia Politika atu hata'an ba kestaun ida ne'e mak:

- FDD nia programa prioridade primeiru mak setor agrikultur, signifika katak tenke garante auto-suficiente aihan ne'ebe diak no iha kualidade nutrisaun. Nune sei resolve problema refere iha periode tinan hat nia laran. Signifika katak bele responde ona konsumu railaran ne'ebe tuir padraun (loron ida dala tolu ho kualidade nutrisaun nune bele reduz problema malnutrisaun no sub-nutrisaun).
- FDD nia programa ida atu resolve konaba labarik sira todan menos (stunting) ne'e maka hala'o programa Desenvolvimento infantil Integrado (DII) ba labarik tinan 0-5. Programa ida ne'ebe sei hari'i centro desenvolvimento infantil iha kada aldeia ho programa edukasaun pre-eskolar, saude infantil, nutrisaun, Desenvolvimento fisiku, justica infantil, solidariedade sosial.
- FDD nia politika ba labarik sira ne'e ebe eskola, sei hadia sistema Merenda Eskolar ho foka prinsipl ba hasa'e no diversifika nutrisaun iha programa merenda eskolar liu husi hasa' e alokasaun orsamentu ba kada labarik hodi aumenta tan providensia susu ben, manutolon no ikan;

### **Polítiku, Demokrasia no Seguransa:**

1. **Iha setór edukasaun, ita observa seidak iha konkordánsia iha planu, entaun polítika sira hetan mudansa bainhira governu troka.** Inkonsisténsia ida-ne'e fó impaktu negativu boot ba mestre no alunu iha rai tomak. Ezemplu hanesan foin daudaun, Ministériu muda kurríkulu Pre-eskolár no Ensinu Báziku ho impaktu katak livru barak ne'ebé dezenvolve ho orsamentu estadu no kolaborasaun husi sociedade sivíl rai hela iha armazen no parese sei la uza ona.

*Saida mak Ita-Boot sira nia partidu ka koligasaun nia planu edukasaun nian no ba kurríkulu no livru sira-ne'e hodi estudante sira sei la sai vítima ba mudansa polítiku sira?*

FDD sei defini kurríkulu definitivu ne'ebe refleta kualidade humana ne'ebe edukasaun tenke forma baseia ba demanda desenvolvimento kada dekada. FDD sei asegura ho enquadramento legal sira atu kurríkulu ida atu hetan mudansa tenki liu husi estudu nebe klean no rigoroso. Atu nune'e Governu troka kurríkulu sei mantein. FDD iha principio katak Edukasaun tenke iha continuidade tuir demanda desenvolvimento. Labele bongkar-pasang.

2. **Relatóriu CAVR "Chega!", KPP-HAM Indonézia, Komisaun Peritus ONU rekomena atu kria Tribunál Internasionál** hodi julga autór krime kontra umanidade iha Timór-Leste husi tinan 1975-1999. Maibé, autór krime grave sira-ne'e nafatin livre iha Indonézia no kaer podér boot, no sira seidak ba hatán iha tribunál.

*Polítika saida mak Ita nia partidu ka koligasaun sei halo atu hakotu impunidade ba krime pasadu?*

Polítika FDD nian wainhira kaer ukun sei implementa rekomendasaun Relatóriu CAVR "Chega" hanesan Programa Prioridade ida hodi aslera procesu justisa ba autor kriminozu sira. Programa ida ne'e sai prioridade ba servisu Ministeriu Negocios Estrangeiros hodi halo Advocacia no formula modelu justisa ne'ebe justu refere ba Lei ne'ebe vigora iha nasaun rua ne'e.



### **3. Okupasaun Indonézia iha Timór-Leste halakon ema barak ho obrigatóriamente.**

*Ita-Boot sira hanoin katak Timór-Leste bele ratifika Konvensaun Internasionál ba Ema Lakon (International Convention for the Protection of All Persons from Enforced Disappearance) ka lae?*

FDD nia pozisaun maka nudar membro Nações Unidas, Timor-Leste iha obrigasaun atu hakru'uk ba Tratadus no Convenções internacional sira. Maibe la signifika katak Timor-Leste tenke ratifika artigo tomak iha Konvenções sira ne' e. Ita bele ratifika artigo hirak ne' ebe alinha ho Timor-Leste nia Constituição, liu-liu artigo hirak ne' ebe fo provisaur atu proteje ema moris no labele halakon direitu humano. Tamba nudar ema, hotu-hotu iha diretu no liberdade atu moris.

Politika FDD nian sei ratifika artigo hirak ne'ebe refere ba violasaun Direitos Humanos, liu-liu artigo hirak ne'ebe relevante ho kazu halakon ema nia vida ho obrigatoriamente.

### **4. Iha tinan 2013-2015, iha operasaun militar boot iha Timor-Leste ba buka, kaer no oho Mauk Moruk ho nia elementu sira.** Operasaun ida ne'e halakon tiha sidadaun sira-nia direitu no liberdade fundamentál no respeito ba estadu nia prinsípiu kona-ba direitu demokrátiku.

*Saida mak ita-boot nia partidu ka koligasaun sei halo atu Timor-Leste labele repete tan política ida ne'e?*

FDD hakruk ba Constituição RDTL nudar Estado Soberano no Estado de Direito. FDD promove direitus humanos no igualdade ba liberdade expressaun hodi garante participasaun sidadaun hotu nian tuir artigo 43 KRDTL. Tamba ne'e FDD kompromete atu la repete tan decizaun ruma ne'ebe halakon ema nia vida iha nasaun ida ne'e.